

漁洋精華錄箋注

漁洋山人精華錄箋注卷第十一

中吳金榮林始箋注

徐淮岱陽纂輯

乙丑南海集

乙丑元旦雪中謁五祖山二首

自注是日立春
一統志五祖山在黃

梅縣東北三十里即
五祖滿禪師道場

南國不搖落春風況早迴行騰穿白雪大事問黃梅

釋道原傳燈錄弘忍自碓坊名能告曰諸佛出世為一大事弘忍蘄州黃梅

人四祖一日往黃梅路逢一小兒骨相奇秀祖曰子何姓荅曰姓空祖默然識其法器至其家乞
姓祖曰何姓荅曰佛姓祖曰汝無姓耶荅曰姓空祖默然識其法器至其家乞
令出家以至付法傳衣後得盧能嗣法復經四載坐逝建塔于黃梅之東山

絕磴盤空上飛梁拂澗開萬松猶引路消息記重來

寶界琉璃淨

法華經國名離垢琉璃為地觀經下有金剛
七寶金幢擎琉璃地上以黃金繩雜廁間錯

名香篤耨

重

法華經擊大法鼓燒衆名香葉廷珪香譜篤耨香出真臘國樹之脂也樹老自然流溢色白而透明故其香雖盛暑不融土人取之夏月以火環其

樹而炙之令其脂液再溢至冬沍寒因其凝而後取之故其香冬凝而夏融

堂開數峯雪目盡九江雲

注見卷一

優鉢花時現

法華經是人甚希者過于優曇華疏云優曇華鉢名瑞應三千年一現現則金輪王出

頻

伽鳥競聞

注見卷八

躊躇下山路楓葉正紛紛

先生南來志東山五祖道場山下有亭額曰天下祖庭宋英宗御書踏雪

壁石磴可八九盤夾道松萬株下臨絕壑曰引路松上有橋跨兩磧之間

曰石梁渡西上得天王殿拾級上為毘羅閣為真身殿禮五祖真身東循

石級三折而上皆長松巨竹有三石鼎峙如困上為授法洞洞脣外拓中

有五祖童子像祖再來得法四祖當在破額山不應在此山巔

有法雨塔唐上元間賜名有白蓮池產白蓮相傳五祖手植

下五祖山

雪滿空山下翠微娛人十里盡清暉野梅香破半溪

水翠羽一雙相背飛

先生南來志下山十里鳥多翠羽山下村落中多梅花

早發黃梅過東禪寺

自注六祖春米處梅縣在黃州府城東一百七十里

誰識新州獼獠羣傳衣夜半祖庭聞

瞿汝稷指月錄咸亨中有居士姓盧名慧能自

新州來參謁祖問曰汝自何來盧曰嶺南祖曰欲須何事盧曰惟求作佛祖曰嶺南人無佛性盧曰人即有南北佛性豈然祖曰這獼獠根性太利著糟礮去盧禮足而退便入碓坊服勞于杵臼經八月祖知付授時至告衆曰正法難解不可徒記上座神秀者乃於廊壁書一偈曰身是菩提樹心如明鏡臺時時勤拂拭莫使惹塵埃祖乃讚歎曰後代依此修行亦得勝果盧在碓坊忽聆誦偈乃問同學同學曰此秀上座所述和尚讚歎必將付法傳衣也盧寫一偈曰菩提本無樹明鏡亦非臺本來無一物何處惹塵埃祖見此偈曰是誰作亦未見性逮夜祖潛詣碓坊問曰米白也未盧曰白也未有篩祖以杖三擊其碓盧即以三鼓入室以法寶及所傳袈裟用付于汝曰且當遠隱俟時行化盧曰當隱何所祖曰逢懷即止遇會且藏

水邊孤寺半煙

篠郭外數峯空雪雲直是西來埽文字

釋道原傳燈錄達摩祖念東震旦國

佛記後五百歲般若智燈運光于彼遂囑密多羅住天竺傳法而躬至震旦乃辭祖塔別學侶凡三周寒暑達于南海實梁普通七年也又六祖初尋師至韶州尼無盡藏讀涅槃經偈即爲解說尼因問字師曰字即不識義即請問尼曰字尚不識安能會義師曰諸佛妙理非關文字朱氏語錄遠法師支道林當時文字只是將莊老之說來鋪張梁會通間達麼來一切掃蕩不立文字直指人心又翻了許多窠臼

翻令南北競紛紜

釋道原傳燈錄神秀嗣五祖法住荊州當陽山號北宗時曹溪爲南宗僧志澈初名行昌少任俠自南北分化二宗主雖忘彼我而徒侶競起愛憎北宗旣自

立神秀為六祖忌祖傳衣天下所聞囑行昌刺祖祖心通置
金十兩於座間懷刃入室祖舒頸就之揮刃者三都無所損 明朝穩把

江頭櫓水到潯陽九派分郭璞江賦流九派于潯陽桑欽水經江至潯陽分為九道瞿汝稷指月錄五祖

送六祖至九江驛令祖上船
五祖把櫓曰合是吾渡汝

濯港自注五祖初生入漁網處今有網埠寺破額山四祖道場在直北六十里釋道原傳燈錄初四祖一日告眾曰吾遊廬

山登絕頂望破額山見紫氣如蓋下有白氣橫分六道汝等會否忍曰莫是和尚化後橫出一枝傳法否祖曰善果得法嗣化于破

頭山先生南來志出西郭過東禪寺謁四祖五祖六祖像四祖道場在廣濟破額山距東山四十里而近殿側竹圃即槽廠故蹟有

六祖墜腰石二十里過濯港

網埠寺旁風物幽漁人網集亂汀洲阿誰識取源頭

水破額山前碧玉流柳宗元詩破額山前碧玉流騷人遙駐木蘭舟春風無限瀟湘意欲采蘋花不自由宋犛筠廊

偶筆破額山有碧玉流石漁磯諸勝

太白湖

潯陽東北白湖濱雪汊縱橫曉問津何處雲中廬岳影滿堤衰柳送行人

大雪渡潯陽江

明一統志潯陽江在九江府城北

江水下江州茫茫九派流雪迷宗炳宅

南史隱逸傳宗炳字少文潯陽人妙

善琴書圖畫入廬山就釋慧遠考尋文義凡臧為南平太守逼與俱還乃與江陵三湖立宅

興發庾公樓

晉書庾亮傳亮在武

昌諸佐吏殷浩等乘秋夜共登南樓俄而亮至諸人將起避亮亮曰諸君少住老子于此處興復不淺陸游入蜀記庾樓正對廬山之雙劍峯北臨大江庾亮嘗為江荆豫州刺史其實則治武昌若武昌南樓名庾樓猶有理今江州治所在晉特柴桑之湓口關耳此樓附會甚明然白樂天詩已云潯陽欲到思無窮庾亮樓南湓口東則承誤久矣

六代空殘壘千年此上游可憐形勝地擊

楫未消憂

晉書祖逖傳逖渡江中流擊楫而誓曰祖逖不能清中原而復濟者有如大江辭色壯烈眾皆慨歎

抵九江

後漢郡國志尋陽南有九江屬揚州廬江郡

行行皖口又蘄黃

南畿志皖口在安慶府西一十五里一名山口蘄黃謂蘄州黃梅縣也

纔挂孤帆

指豫章

雷次宗豫章古今記豫章之地南接五嶺北帶九江春秋時楚之東境

為報匡君多置酒

匡君注見卷內往白鹿洞次迴流山詩

夜來風雪過潯陽

琵琶亭晚望

明一統志琵琶亭在九江府城西大江濱唐司馬白居易送客湓浦口夜聞隣舟琵琶聲問之

長安倡女嫁于商人為作琵琶行後人因此名亭

雪重江天合寒深鳥不飛炊煙何處起知是庾樓磯

望廬山

看山宜雪後五老況相要

五老注見卷四送米紫來詩謝惠連詩並坐相招要

絕頂竊

雲霧諸峯出次寥陰陽殊向背吳越接風潮急瀑來

三峽

注見後三峽橋詩

名僧問六朝

徐夔注錢起詩祇疑雲霧裏猶有六朝僧

客程兼水石

行色借漁樵磨衲堪終老

注見卷一海嶽菴拜蘇米二公像詩

彭城枉賜貂

蓮社高賢傳僧獻冀州人入廬山依遠公修淨業既而適京師止烏衣寺講說眾經宋彭城王義康要入第授戒師曰禮聞來學王乃入寺祇奉戒法王以貂

裘奉師常用敷坐

入廬山口號四絕句

翠竹青松裏橫峯側嶺間

惠洪冷齋夜話東坡遊廬山至東林作偈曰橫看成嶺側成峯遠近看山了不

同不識廬山真面目只緣身在此山中

坡公曾有語真箇到廬山

蘇軾詩如今不是夢真箇到廬山

曉出潯陽郭廬山方出雲雲中雙白鹿邀我問匡君

香爐峯近遠

釋慧遠廬山記東南有香爐山其上氤氲若香煙

望望太高生莫畏石

頭滑

陶穀清異錄比正無梁遊廬山春雨路滑忽仆石上由是洞見本源

終期曳杖行

步步廬山近蒼蒼雪路深江天雲霧裏何處是東林

自錦繡峯下至東林寺

先生南來志越濂溪港而南蓮花錦繡雙劍諸峰卓立雲表過

太平宮午

食東林寺

江州郭外雪雲濃翠壁丹崖錦繡重行盡清溪三百

曲蘇軾詩幸有清溪三百曲不辭相送到黃州東林纔打午時鐘

東林寺示宗雷禪人

陸游游東林寺記至東林太平興龍寺正對香爐峰峰分一支東行

自北而西環抱四合東林在其中

晉賢名理宗莊老祖印西來得未曾攜得佛馱鐵如

意

先生皇華紀聞晉佛馱耶舍梵僧也名在東林十八高賢中嘗至蓮社舉鐵如意示慧遠不悟拂衣去

重將舉似雁門

僧

高逸高僧傳慧遠姓賈氏雁門樓煩人因秦亂游于晉居廬阜三十餘年化兼道俗

虎溪橋迴望西林寺

明陳沂游廬山記廬山之陰有山曰上方下有東林寺始於慧遠法師與

慧永居精舍其徒曰衆別居於林之東因曰西林寺遠師送客至虎溪而止今山門內屋于橋上水湮塞云即虎溪

未訪西林慧永師

高逸高僧傳慧永居在西林與慧遠同門遊好遂邀同止刺史桓伊以學徒日衆更爲遠建西林寺

虎溪橋畔去遲遲歸舟定艤宮亭水

注見卷三送彭羨門詩

飽看僧

房綴蜜脾

王禹偁蜂記蜂釀蜜如脾謂之蜜脾本草蠟是蜜脾底也黃庭堅詩五百僧房綴蜜脾

圓通寺示杲菴禪人

明王禕三峽橋記德安縣並山北東行為圓通寺

匡廬上初日石耳訪禪林

注見後

眉際清寒重煙中梵唄

深

釋道世法苑珠林西方之有唄猶東國之有讚讚者從文以結章唄者短偈以流頌新唐書王綰傳禁中祀佛梵唄齋熏號內道場

水交松

櫟響門掩竹藤陰欲問南唐跡山猿雪後吟

歐亭

先生南來志圓通寺在石耳峰下有歐亭蘇亭皆廢

六一何時去

宋史歐陽修傳晚號六一居士

猶傳夜話亭亭空人不見殘

雪落冬青

東棟注桑喬廬山紀事圓通寺有夜話亭改清音亭又改歐亭永叔與居納禪師談道處

蘇亭

惠棟注圓通事實嘉祐中老泉與東坡穎濱寓圓通寺寺僧為之作亭後廢僧崇裕又作蘇亭於寺西亦廢

試訪蘇公跡荒榛鼯鼠啼東山初日上惆悵下侯溪

明李夢陽廬山記圓通寺對石耳峰前有侯溪

南唐後主祠二首

自注在圓通寺陸游南唐書後主名煜字重光元宗第六子初名從嘉歷封

安定郡公鄭王文獻太子卒居東宮建隆二年遂立為太子元
宗殂太子嗣立于金陵卒未至京師封違命侯太宗即位改封
隴西公太平興國三年

七月辛卯殂年四十二

佞佛終何事

陸游南唐書後主酷好浮屠崇塔廟度僧尼不可勝算罷
朝輒造佛屋易服膜拜以後頗廢政事長圍既合內外隔

絕城中之人惶怖無死所後主方幸淨居室聽沙門德明雲真義倫崇節講楞
嚴圓覺經又後主宮中造佛寺十餘退朝與后頂僧伽帽服袈裟課誦佛經胡

踞頓顙至
為瘤贅

秦淮舊恨長空山遺甃在猶自說南唐

唐苑蓬萊紫名同萼綠華可憐山寺裏猶有麝囊花

自注後主嘗移廬山麝囊花于含風
殿前名蓬萊紫按見陶穀清異錄

寫韻軒

明一統志寫韻亭在南昌府城南紫極宮唐太和
未仙姝吳采鸞寫孫愐唐韻于此後人因立亭

彷彿鸞岡露黛眉

宋余靖西山記洪崖山枕壑有洪崖先生煉丹
井井南五里有鸞岡洪崖先生乘鸞所憩處

繡

襦甲帳為誰施祇應三五嬋娟影

禮禮運三五而
盈三五而闕

曾照仙

人寫韻時

宣和書譜仙女吳彩鸞自言西山吳真君之女太和中進士文
蕭客寓鍾陵中秋夜婦人相持踏歌婆娑月影中最為盛事蕭

往觀焉而彩鸞在歌場中作調弄語獨戲蕭蕭心悅之躡跡其後至西山中彩鸞見蕭遂偕往後謫為蕭妻彩鸞以小楷書唐韻一部市五千錢為餬口然不出一日間能了十數萬字非人力所可為也

金花潭

自注宋元祐孟太后祈風處先生南來志龍山下有金花潭又香祖筆記曲江隸豐城宋元祐太后為金人所追投金花于此祈風改名金花潭

傳是瑤華跡

宋史后妃傳哲宗昭慈聖獻孟皇后養母聽宣夫人燕氏尼法端與供奉官王堅為后禱祠事聞詔入內押班梁從

政管當御藥院蘇珪即皇城司鞠之命侍御史董敦逸覆錄敦逸秉筆疑未下郝隨等以言脅之乃以奏牘上詔廢后出居瑤華宮元符末詔后還內號元祐皇后崇寧初郝隨諷蔡京再廢復居瑤華宮康王即位尊稱隆祐太后帝幸建寧太后繼發往洪州過落星寺舟覆宮人溺死者十數惟太后舟無虞

潭獨黯然倉皇浮五馬

注見卷三登天闕望金陵詩

憔悴掩雙蟬

自注孟家蟬見

宋小說姜夔詩遊人總戴孟家蟬

玉輦歸松漠金花沒劍川忘機羨鷗鳥

不識靖康年

苦竹洲聞雁

先生南來志次豐城縣泊劍江驛過苦竹洲始聞雁皆北飛

孤舟聞雁唳春思滿江湖北去經彭蠡南飛異鷓鴣
已驚關塞遠深念雪霜徂故國多煙水音書好寄無

樟樹鎮王文成公誓師處

先生南來志樟樹鎮臨江府清江縣地誓師事詳注

見卷二過汜
光湖懷古詩

豹房虎圈氣如雲

明紀武宗于西內練兵戎服臨之銃砲之聲不絕與江彬卧起多留宿豹房搏虎為樂又江彬輦諸珍玩

于宣府帝甚樂焉稱曰家裏先是帝厭大內以豹房為家室至是復以宣府為家室矣孫國牧燕都遊覽志虎城在太液池之西北隅睥睨其上而阱其下阱南為鐵門關而竇其南為小窰小窰內有鐵柵如籠以檻虎者虎城西北有豹房虎圈字見史記封禪書

行在從容露布聞

後漢書馬援傳願得聽詣行在師古曰天子或居京師或出巡狩不可豫定故言行在所明紀正德十四年八月帝親征南遊自稱奉天征討威武大將軍鎮國公方出師而守仁捷音至疏畧曰先將省城虛其巢穴繼戰鄱湖擊其情歸今宸濠已擒逆黨已獲地方已定竊惟宸濠發謀于始逆料大駕必將親征先於沿途伏有奸黨期為博浪荆軻之謀今遂已成擒宜解赴轅門式昭天討奏入帝屢檄止之令以俘候車駕至

誰識書生離

講席絕勝三十六將軍

漢書吳王濞傳七國反書聞天子乃遣太尉條侯周亞夫將三十六將軍往擊吳楚

柳宗元古東門行
漢家三十六將軍

峽江縣

先生南來志峽江縣古巴丘城堞半出山上

短岫幽篁峽口陰亂帆鴉軋滿江潯

杜牧詩歸棹何時軋鴉按物聲交戛皆曰軋

也長年煙際遙相問十八灘頭水淺深

注見後

吉水道中望揚誠齋故居

江行盡日愛清暉峽遠江平碧四圍幾處峰青臨水

照一羣魚翠拂船飛

周少隱竹坡詩話江淮有水禽號魚虎翠羽而紅首崔德符詩翠裘錦帽初相識魚虎灣環掠

岸飛

雲陰澹澹將成雨嵐氣濛濛欲濕衣髣髴南溪揚

監宅

宋史儒林傳楊萬里字廷秀吉水人中紹興二十四年進士調零陵丞時張浚以謫永勉以正心誠意之學萬里乃名齋為國子博士

後以寶文閣待制致仕進寶謨閣學士謚文節

蒼苔白石繞巖扉

鶴林玉露誠齋自秘書監退休南溪老屋一區僅庇風雨

吉水絕句

樂史寰宇記吉水在縣東北十里此水源出有波文成吉字

螺川川北字江西

〔自注〕文江一名字江〔吉安志〕螺湖繞府城西北而東流入贛江

沙暖舟暄咫

尺迷纔過元宵如上已春山處處郭公啼

〔佩文韻府〕郭公鳥名即布穀也

賦得廣澤生明月

放舟豫章水月上廬陵城照影疑無定窺人似有情

泠泠青桂濕

〔虞喜〕安天論俗傳仙人桂樹今視其初生仙人之足漸已成形桂樹後生焉〔段成式〕酉陽雜俎月中有桂有兔故異

書言月桂高五百丈下有一人常斫之樹創隨合

歷歷白榆生

〔春秋〕運斗樞玉衡星散為榆〔古樂府〕上聲歌天上何所有歷歷

種五榆

故國當三五清暉亦自盈

望青原山有懷藥地愚山二公

〔自注〕愚山重建白鷺書院今燬于火

〔吉安志〕青原山在府東南一十五里

〔又〕白鷺洲在府城東贛江中如游魚狀白鷺書院在白鷺洲上宋淳祐間知吉州江萬

里建〔先生〕南來志順治庚子辛丑間修復甲寅用兵復化劫灰

時施為湖西道〔朱彝尊〕明詩綜小序方以智字密之桐城人崇

禎庚辰進士授翰林檢討晚為僧名弘智字無可別號藥地和尚有浮山屋集

白鷺空洲又劫灰青原山色自崔嵬風流二老今何

在

杜甫寄贊公詩與子成二老來往亦風流

獨問廬陵米價來

瞿汝稷指月錄夾山抗聲問撫州黃山月輪禪師曰

還識老僧麼師曰和尚還識學人麼山曰不然子且還老僧草鞋錢然後老僧還子廬陵米價師曰恁麼則不識和尚也未委廬陵米作麼價

肺病

昨日頭風愈

丘悅三國典略魏太祖以陳琳管記室作諸書及檄草成呈太祖太祖先苦頭風是日疾發讀琳所作翕然起曰此愈我

病

新年肺病多

杜甫詩衰年肺病惟高枕

何山足芝朮隨處繫牂牁

顏師

古漢書注釋牂倚船棧也

地僻容高枕鄉遥憶伐柯

潘岳詩南路在伐柯注詩曰伐柯伐柯其則不遠

青林啼暮雨無那鷓鴣何

禽言鷓鴣啼曰行不得哥哥

泰和道中寄陳說巖都憲李容齋少宰彭羨

門編修

捩舵開頭不計程

杜甫詩捩舵開頭捷有神李實注川中人以掌前梢為開頭今名看頭

睡餘真愛

贛江清將尋方麴猶嫌早

北齊書楊愔傳愔聰記識半面不忘有選人魯漫漢自言猥賤獨不見識愔曰

卿前在元子思坊騎禿尾草驢經見我不下以方麴障面我何不識卿漫漫驚服

欲卸吳綿尚有情木客

山都人比舍

鄧德明南康記贛縣東南山上有臺風雨後頗聞山上鼓吹聲即山都木客唱也徐夔注異物志廬山太山之間有

山都似人裸身見人便走自有男女長可四五尺有木客鳥大如鵲千百為羣不與衆相廁云是木客化作

功曹主簿鳥多

名

先生居易錄言贛間有名功曹主簿者

炎荒風物看殊異略附雙魚達上京

泰和縣夜泊雷雨

吉安志泰和縣在府城南八十里

明月隨何處忽聞鳴雨懸雷驚殷

自注山起

詩名南殷其雷在南山之陽注

殷雷聲也

電急劃江圓宿鷺依連舸神龍出大川戰場蕭瑟

極百感夜茫然

萬安縣

吉安志萬安縣在府城南一百八十里五代時置萬安鎮宋熙寧中改鎮為萬安縣

戰地餘流水滔滔贛石東

注見卷八寄牧仲贛州詩

幾年紛鱗鱗

吳志呂蒙傳蒙